

at-Tawhiyd awwalaa

Rabiy' al-Madkhaliy

التوحيد أولاً

Tawhiyd Iwe Mwanzo

Mwandishi:

العلامة ربيع بن هادي المدخلي

'Allaamah Rabiy' bin Haadiy al-Madkhaliy

Tarjama:

Abu Bakr Khatwiyb al-Atrush

1. Magomvi ya Mitume na watu wao ilikuwa ni kwa sababu ya Tawhiyd	4
2. Mitume walianza kulingania katika Tawhiyd	7
3. Wajibu kwa kila mlinganizi kuanza na Tawhiyd.....	8
4. Walinganizi wenye kucheza na akili za vijana	11
5. Maana sahihi ya Shahaadah	13
6. Tafsiri za kimakosa za Shahaadah ndio chanzo za shirki	14
7. Matunda ya Da'wah ya Muhammad bin 'Abdil-Wahhaab.....	15
8. Uingereza ndio adui mkubwa wa Da'wah ya Tawhiyd	16
9. Vijana makhurafi wasikudanganyeni	17
10. Saudi Arabia inahukumu kwa Qur-aan na Sunnah.....	19
11. Propaganda za maadui wa Tawhiyd dhidi ya Saudi Arabia na wanachuoni wake... <td>20</td>	20
12. Allaah ametolea dalili kustahiki kuabudiwa Kwake kwa utendaji kazi Wake	21
13. Abu Lahab na Abu Jahl hakuwa na I'tqaad hii iliyoletwa na zanaadiqah.....	23
14. Kupenda na kuchukia inatakiwa iwe kwa ajili ya Allaah.....	25
15. Mtume hakupakana mafuta na washirikina kwa ajili ya Tawhiyd	27
16. Kila kiumbe kinamuadhimisha Allaah (Tabarak wa Ta'ala).....	29
17. Kupinga ujuu wa Allaah kunapelekea katika Huluul na Wahdat-ul-Wujuud.....	30
18. Siri ya kupotea kwa Mushabbihah na Mu'attwilah.....	32
19. Hapa ndipo kulianza vita vya kifikra	34
20. Walinganizi wa siasa wamewashughulisha wananchi na Tawhiyd	35
21. Sababu za waislamu kuwa wadhalilifu na wanyonge	36

at-Tawhiyd awwalaa
Rabiy' al-Madkhaliy

22. Mtume ('alayhis-Salaam) hamiliki manufaa wala madhara.....	37
23. Walinganizi wa siasa nini watachhofanya wakipata uongozi?	40
24. Da'wah za Hizbiyyuun haziwazidishii waislamu kitu zaidi ya maangamizo	41
25. Maisha mazuri na yeny'e furaha yanapatikana kwa kuhakikisha Tawhiyd	42

بِسْمِ اللَّهِ الرَّحْمَنِ الرَّحِيمِ

1. Magomvi ya Mitume na watu wao ilikuwa ni kwa sababu ya Tawhiyd

Himdi zote zinamstahiki Allaah. Tunamhimidi Yeye, tunamtaka msaada na kumuomba msamaha. Tunajilinda Kwake kutokana na shari ya nafsi zetu na uovu wa matendo yetu. Yule mwenye kuongozwa na Allaah, basi hakuna wa kumpoteza, na yule mwenye kupotezwa na Allaah, basi hakuna wa kumwongoza. Ninashuhudia ya kwamba hapana mola mwenye haki ya kuabudiwa isipokuwa Allaah na ninashuhudia ya kuwa Muhammad ni mja na Mtume Wake.

يَا أَيُّهَا الَّذِينَ آمَنُوا إِنَّمَا الَّهُ حَقٌّ ثُقَاتٍ وَلَا تُؤْمِنُنَّ إِلَّا وَأَنْتُمْ مُسْلِمُونَ

"Enyi mlionmini! Mcheni Allaah kama apasavyo kuogopwa na wala msife isipokuwa nyinyi [mmeshakuwa] ni Waislamu." (03:102)

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نُفُسٍّ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً ۚ وَاتَّقُوا اللَّهَ الَّذِي تَسَاءَلُونَ بِهِ وَالْأَرْضَ حَمَّ إِنَّ اللَّهَ كَانَ عَلَيْكُمْ رَقِيبًا

"Enyi watu! Mcheni Mola wenu Ambaye Amekuumbeni kutokana na nafsi moja na Akaumba kutoka humo mke wake na Akaeneza kutoka hao wawili wanaume wengi na wanawake. Na mcheni Allaah Ambaye Kwake mnaombana na jamaa. Hakika Allaah Amekuwa juu yenu Raqiybaa, Mwenye kuchunga." (04:01)

يَا أَيُّهَا الَّذِينَ آمَنُوا إِنَّمَا الَّهُ وَقُولُوا قَوْلًا سَدِيدًا يُصْلِحُ لَكُمْ أَعْمَالَكُمْ وَيَعْفُرُ لَكُمْ دُنُوبَكُمْ ۖ وَمَنْ يُطِعِ اللَّهَ وَرَسُولَهُ فَقَدْ فَازَ

فُورَّاً عَظِيْمًا

"Enyi mlaomini! Mcheni Allaah na semeni kauli ya kweli [ya sawasawa]. Atakutengenezeeni 'amali zenu na Kukusameheeni madhambi yenu; na anayemtii Allaah na Mtume Wake, basi kwa yakini amefanikiwa mafaniko adhimu." (33:70-71)

Amma ba'd:

Hakika maneno ya kweli kabisa ni Maneno ya Allaah na uongofu bora kabisa ni wa Muhammad (Swalla Allaahu 'alayhi wa sallam). Mambo maovu kabisa ni ya kuzua. Kila kitakachozushwa ni Bid'ah. Kila Bid'ah ni upotevu. Kila upotevu ni Motoni.

Amma ba'd:

Maudhui ya muhadhara huu katika usiku huu uliobarikiwa ni kama mlivyosikia "Tawhiyd ije mwanzo". Kwa nini Tawhiyd ije mwanzo? Kwa sababu huu ndio mwenendo wa Allaah ambao aliuweka kwa Mitume wote ('alayhimus-Swalaatu was-Salaam). Hakuna Mtume aliyewalingania watu wake isipokuwa alianza kwa Tawhiyd. Ijapokuwa Da'wah ya Mitume ndani yake mna kila kheri kwa mwanaadamu. Mtume (Swalla Allaahu 'alayhi wa sallam) amesema:

"Hapakuwa Mtume kabla yangu isipokuwa aliwaongoza Ummah wake katika kheri anayojua juu yao, na akawatahadharisha na shari anayojua juu yao."¹

Mitume ('alayhimus-Swalaatu was-Salaam) wana kila furaha ya uanaadamu. Wana kila chene kuwafanya wakafurahi. Lakini hata hivyo huanza kwa kitu muhimu zaidi baada ya muhimu. Ambaye ataizingatia Qur-aan ataona kuwa Da'wah ya Mitume ni yenyewe kushirikiana katika misingi mikubwa. Miiongoni mwa misingi hiyo ni Tawhiyd, kuthibitisha utume, kufufuliwa na kulipwa.

¹ Muslim (1844).

Lakini muhimu kuliko yote katika ulinganizi wao na kitu ambacho kulitokea mizozo kati ya wao na watu wao ilikuwa ni kwa sababu ya Tawhiyd na khaswa Tawhiyd-ul-'Ibaadah. Kwa sababu hutoona katika Qur-aan Mitume wakizozana na watu wao juu ya Tawhiyd-ur-Rubuubiyyah na Tawhiyd-ul-Asmaa' was-Swifaat. Ni kweli walikuwa wanakadhibisha kufufuliwa. Lakini kubwa walichokuwa wanapinga ni ulinganio juu ya kumtakasia dini Allaah (Tabaarak wa Ta'ala).

2. Mitume walianza kulingania katika Tawhiyd

Utaona ulinganizi wa Mitume wote ni kama vile Allaah alivyoweka wazi katika Qur-aan. Kitu cha kwanza kabisa wanachoanza nacho ni kuzitengeneza 'Aqiydah. Wanaanza kwa kutengeneza makosa katika Tawhiyd-ul-'Ibaadah. Kwa sababu Shaytwaan aliamua kitimbi cha kwanza kuanza nacho kwa mwanaadamu - baada ya kumshawishi baba yao Aadam pale alipomtelezesha kula kwenye mti - kitimbi kikubwa alichanza na mwanaadamu ilikuwa ni katika Tawhiyd-ul-'Ibaadah. Aliwapambia watu wa Nuuh ('alayhis-Swalaatu was-Salaam) kufungamana na watu wema na watengeneza masanamu yao ambapo wakawa wamefanya hivo. Wakati kizazi hichi kinachowajua watu hawa kilipoondoka, Shaytwaan akawajia kwa mara nyingine na kuwaambia hawakutengeneza masanamu ya watu wema hawa isipokuwa ni kwa ajili yaabudiwe. Nuuh ('alayhis-Swalaatu was-Salaam) akaendelea kuwalingania watu wake miaka mia tisa na khamsini kama jinsi Allaah alivyoelezea hilo katika Qur-aan. Watu waovu kabisa walikuwa watu wa Nuuh. Madhalimu wakubwa kabisa walikuwa ni watu wa Nuuh. Wapindukiaji wakubwa kabisa walikuwa ni watu wa Nuuh. Kwa ajili hii ndio maana aliwalingania miaka elfu moja na hakuna walioamini katika wao isipokuwa wachache. Kulipita karne ngapi ambazo Nuuh aliwalingania kwa miaka mia tisa na khamsini ha hakuna kilichowazidishia isipokuwa ukaidi na kiburi. Hatimae akawaombea dhidi yao na Allaah (Tabarak wa Ta'ala) akawaangamiza. Kupitia kwa Nuuh Allaah akatoa dhuriya ya Kiislamu. Lakini Shaytwaan alikimbilia kuwashawishi na akawatumbukiza katika kumshirikisha Allaah ('Azza wa Jall). Namna hii ndivyo inavyokuwa kila wakati Allaah anapoleta Mtume ili awaokoe wa kuwaokoa katika wanaadamu, kunapita muda mfupi tu na baadae anakuja Shaytwaan na kuwatia katika vitimbi vilevile alivyowatia watu wa Nuuh. Watu wameendelea katika vitimbi hivi na vitaendelea mpaka siku ya Qiyaamah.

3. Wajibu kwa kila mlinganizi kuanza na Tawhiyd

Inapaswa kwa kila mwenye kulingania katika dini ya Allaah ('Azza wa Jall) afuate mfumo huu wa Mitume ('alayhimus-Swalaatu was-Salaam) na kukabiliana na vitimbi hivi ambavyo Shaytwaan anamtia navyo mwanaadamu dhidi ya njia ya Mtume. Apambane na vitimbi hivi. Kitu cha kwanza kabisa cha kuanza nacho katika kuwatengeneza raia ni kuanza kwa Tawhiyd. Ni mamoja raia hao wakawa ni waislamu au makafiri. Hakika wananchi wana upindaji mkubwa katika mlango huu.

Mlinganizi mwenye *Ikhlaas* na ambaye anataka kufuata nyayo za Mitume na anataka kutengeneza kwa njia sahihi, basi kitu cha kwanza anachotakiwa kuanza nacho ni kurekebisha upindaji huu.

Ukiona mlinganizi anapita katika nyayo za Mitume na anaanza kwa yale waliyoanza kurekebisha, basi amini kuwa yuko katika uongofu na mwelekeo. Na ukimuona anaenda kuliani na kushotoni na siasa, hapa ni pahala pa kutilia shaka. Hili ni jambo lisilokuwa na shaka. Ni vipi atawea kuipa kisogo Da'wah ambayo Allaah aliwawekea Mitume na Mitume wakashikamana nayo kuanzia wa mwanzo wao mpaka wa mwisho wao. Amesema (Ta'ala):

وَلَقَدْ بَعَثْنَا فِي كُلِّ أُمَّةٍ رَّسُولًا أَنِ اعْبُدُوا اللَّهَ وَاجْتَبَيْوَا الطَّاغُوتَ

"Na kwa yakini Tulituma katika kila ummah Mtume [awaamrishe watu wake] kwamba: "Mwabuduni Allaah na jiepusheni na twaaghuwt [miungu ya uongo]." (16:36)

Ni yepi makusudio ya *Twaaghuut* hapa? Kwa sababu leo kumekuwa na mtindo wa kupachika jina la *Twaaghuut* katika vitu ambavyo havikukusudiwa na Qur'aan:

وَاجْتَبَيْوَا الطَّاغُوتَ

"... na jiepusheni na *twaaghuwt [miungu ya uongo]*."

Ni 'ibaadah ya kuabudu masanamu na kumshirikisha Allaah ('Azza wa Jall). Tengeneza kwa kuvunja *Twawaaghiiyt* haya kutoka kwenye mioyo ya wenyewe nayo. Baada ya hapo zikitengemaa I'tiqaad za watu basi na mambo mengine yote ya maisha yao yatatengemaa. Muislamu akiridhia Allaah kuwa ndio Mola Wake na kuwa Yeye ndiye mwabudiwa wa haki na si mwengine, basi hatonyenyeka kanuni za mashariki wala za magharibi kwa hali yoyote. Kwa sabau ameridhia Allaah kuwa ndio Mola Wake na Uislamu ndio dini yake. Hilo litamfanya yeye kukataa kanuni na sheria zinazotunga wanaadamu.

Ama kuanza kwa siasa iliyopinda na ukawashughulisha vijana na mambo haya na ukaweka vizuizi dhidi ya ulinganizi wa Mitume, hili ni kosa kubwa ambalo kwanza ninawagusa walinganizi wenyewe. Uovu wa Da'wah hii kwanza unaanza kuwapata walinganizi. Mimi sio mjuzi zaidi kuliko Allaah. Mimi sio mwenye huruma zaidi kuliko Allaah. Mimi sina ghera zaidi kuliko Allaah. Vilevile hakuna mtu mwenye ghera zaidi kuwashinda Mitume wa Allaah (Swalla Allaahu 'alayhim wa sallam) vyovyyote nitakavyojidai.

Njia ya kurekebisha iko wazi. Watu katika kila zama na Ummah wa Kiislamu tokea karne nyingi ni wenyewe kuhitajia kuzirekebisha I'tiqaad. Kwa sababu ubovu wa I'tiqaad ni kitu kimechowapa waislamu tokea karne nyingi. Uchafu huo umewapata katika Majina na Sifa za Allaah ambao nafikiri nyumati zilizotangulia hawakupinda kiasi hicho na katika Tawhiyd-ul-'Ibaadah. Ukisafiri kwenda katika mji wowote ulimwenguni utaona upotofu kwenye I'tiqaad na matendo ya waislamu kuhusiana na makaburi kwa mambo yasiyofanywa na mayahudi, manaswara na waabudu masanamu. Vipi tutayafumbia macho mambo haya na badala yake tuwafunze vijana malezi ya kisiasa tu ilihali shirki iko mbele yao.

Shirki ndio ambayo Mitume waliipiga vita na wakatumia maisha yao katika kupambana nayo. Allaah aliwaangamiza watu wao kwa kwenda kinyume na

Mitume wao na khaswa inapokuja katika suala hili. Haikuwa kwa ajili ya siasa wala kitu kingine. Allaah aliwaangamiza kwa ajili ya kwenda kinyume na Mitume wao katika mlango huu.

Enyi vijana wa Kiislamu! Njia ya siasa isiwadanganye na maslahi yake. Shikamaneni na mfumo wa Mitume. Kwa ajili hii ndio maana utaona kila mtengenezaji ambaye ni mkweli na mwenye *Ikhlaas* aliyeufahamu Uislamu ipasavyo kitu cha kwanza anachoanza nacho ni kurekebisha mambo haya.

Ibn Taymiyyah (Rahimahu Allaah) alipokuja akakuta Ummah wa Kiislamu, kuanzia wananchi mpaka viongozi, kumejaa upotevu wa ukhurafi na Bid'ah; akaanza kwa kuyatengeneza mambo haya. Kulikuwepo upindaji katika mambo ya shirki na katika mlango wa Majina na Sifa za Allaah. Alianza kwa mambo haya. Baada ya hapo akaja Muhammad bin 'Abdil-Wahhaab (Rahimahu Allaah). Huyu ni Mujaddid wa pili ambaye alileta tajdidi ya haki baada ya Ibn Taymiyyah. Akaanza pale walipoanza Mitume na watengenezaji.

Wale waliobeba bendera za Da'wah na kupuuzia mlango huu, hawautambui mlango huu na wala hawajui umuhimu wake na khatari ya shirki. Napenda kuwa muwazi kabisa. Hawakutambua mambo haya. Walilelewa katika vitongoji visivyojali 'Aqiydah. Walikutana na mizozo iliyopo kati ya vyama vyaya siasa na wao wakaunda chama chao kilicho na nembo ya Kiislamu. Pamoja na hivyo hawajui ulinganizi wa Mitume. Ndipo wakaja na kuwapachika vijana siasa zao katika mji wa Tawhiyd. Watu hawa hawakuijua Tawhiyd, shirki, nafasi ya Tawhiyd na khatari ya shirki. Hatimae kwa masikitiko makubwa Da'wah yao ikaenea katika mji wa Tawhiyd iliojengwa juu ya uhalifu wa Da'wah ya Mitume ('alayhimus-Swalaatu was-Salaam). Hii ndio vita ya kifikra waliyowekwa nayo watoto wa Tawhiyd. Kuanzia miaka mingi sisi bado ni wenye kupambana ili mambo yarudi kuwa kama yalivokuwa. Lakini kwa masikitiko makubwa vijana wametiwa mchanga wa machoni. Wanaowaongoza vijana wanawaweka mbali kabisa na mwenendo waliokuwemo Mitume ('alayhimus-Swalaatu was-Salaam) na wa watengenezaji.

4. Walinganizi wenye kucheza na akili za vijana

Ni lazima kwa vijana waelewe umuhimu wa Tawhiyd. Hatuoni kupenda na kuchukia kwa ajili ya Allaah kwa vijana wengi wa Tawhiyd. Utaona vijana wengi wanawapenda waabudu makaburi, maadui wa Tawhiyd na wakati huo huo wanawapiga vita wenye kubeba bendera ya Tawhiyd. Hili ni jambo lipo. Sababu yake ni watu hawa wajinga kucheza na akili za vijana wa Tawhiyd na watoto wa Tawhiyd. Wajinga hawa hawakufahamu Tawhiyd ya Allaah, Da'wah ya Mitume na nafasi ya Da'wah hii. Hawakutambua mambo haya. Wamejitokeza katika wakati ambapo wangereza na nchi za kikafiri ilikuwa imezitawala nchi za Kiislamu na kuanzisha vyama kukiwemo kundi la Ba'th, wanasekula, wakomunisti na vinginevyo. Hapa ndipo wanasisa wa Kiislamu walipata upenyo na wao wakasema na sisi tuanzishe vyama vya siasa. Wakaingia katika mizozo na hivi vyama vingine na serikali. Migogoro yao yote inahusiana na siasa. Jina la Uislamu linatumiwa kama nembo tu. Walikuta wakumonusti, wanasekula na kundi la Ba'th ni wenye kufanya uhuni kwenye miji ya waislamu. Hapa ndipo na wao wakasema hebu wacha na sisi tunyanyue nembo ya Kiislamu. Lakini hata hivyo ni yenyе kuzembea kwa sababu hawatilii umuhimu wowote katika Tawhiyd na kupambana na shirki. Ndio maana utaona vichwa vya Da'wah hizi zilizopiga vita nchi hii vimejaa shirki na hawakubadilisha kitu katika miji yao. Mpaka hii leo makapiteni wakubwa wa Da'wah hizi wanakufa juu ya ukhurafi na Bid'ah. Sivyo tu bali wanayaendea makaburi na kuyawekea nadhiri na maua na kuyafanyia Rukuu'. Kwao hawaonelea shirki kama ina khatari yoyote. Tawhiyd kwao haina umuhumu wowote. Bali wanaona kuwa Tawhiyd inawafarikanisha Ummah. Watoto wa Tawhiyd wafanye nini juu ya vitimbi hivi na majanga haya ambayo yamewaangamiza kuwafarikanisha na kuwatawanyisha. Yote haya ni kwa ajili ya Da'wah za wenye kuzembea:

وَمَا أَرْسَلْنَا مِنْ قَبْلِكَ مِنْ رَّسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ

"Na Hatukutuma kabla yako Mtume yeote isipokuwa

Tulimfunulia *Wahy ya kwamba: "Hakika hakuna mungu wa haki isipokuwa Mimi; basi Niabuduni."* (21:25)

Hii ndio *laa ilaaha illa Allaah*. Kwa mujibu wao laa ilaaha illa Allaah ni hakuna mwenye kuhukumu isipokuwa Allaah. Kitengo muhimu ambacho kinahusu upwekeshaji katika 'ibaadah wanasema kuwa maana yake ni hakuna mwenye kuhukumu isipokuwa Allaah. Tafsiri hii inakufanya unaona shirki mbele yako lakini kana kwamba huoni kitu. Shirki ambayo Mitume waliipiga vita ni kama kwamba hukuona kitu. Tafsiri hii ni kupotosha maana ya *laa ilaaha illa Allaah*. Isitoshe kwa hila wakafanya hiki ni kigawanyo cha nne mionganini mwa vigawanyo vya Tawhiyd. Baada ya muda wasawazishe maana ya kimsingi ya *laa ilaaha illa Allaah* na kubaki al-Haakimiyyah. Kuweni macho kufahamu vitimbi vya siasa.

5. Maana sahihi ya Shahaadah

Maana ya *laa ilaaha illa Allaah* maana yake ni hakuna mwenye kuabudiwa kwa haki isipokuwa Allaah. 'Ibaadah ni zipy? Swalah, swawm, zakaah, hajj, kuchinja, kuweka nadhiri, kutegemea, kutaraji, shauku na woga. Haya anafanyiwa Allaah peke yake na hafanyiwi yejote.

Kuhusiana na *hakuna mwenye kuhukumu isipokuwa Allaah* haiingii katika maana ya *laa ilaaha illa Allaah* kwa hali yoyote. Maana ya *laa ilaaha illa Allaah* ni kuwa hakuna muabudiwa wa haki isipokuwa Allaah. Hapa kuna mwenye kuabudu na Mwabudiwa. Allaah ndiye Mwabudiwa na viumbe ndio wenyewe kuabudu. Fahamuni kuwa 'ibaadah ni kitendo kinachofanywa na viumbe. 'Ibaadah ni kitendo kinachofanywa na viumbe kwa lengo la kujikurubisha kwa Allaah. Mtu anarukuu, anasujudu, analia, anategemea, anataraji na anaogopa yote haya ni sifa na matendo ya viumbe. Hizi sio Sifa za Muumba. Allaah ametakasika na hayo. Hivyo unaposema *hakuna mwenye kuhukumu isipokuwa Allaah* ina maana ya kwamba maana yake ni *hakuna mwenye kuabudu isipokuwa Allaah*. Ametakasika Allaah na hilo. Fahamuni tafsiri hii ya batili.

6. Tafsiri za kimakosa za Shahaadah ndio chanzo za shirki

Kitu ambacho kimewaangamiza waislamu ni tafsiri za batili juu ya *laa ilaaha illa Allaah*. Waislamu wameathirika kwa tafsiri za batili kutoka kwa wanafalsafa na wengineo. Wamesema kuwa *laa ilaaha illa Allaah* maana yake ni hakuna muumbaji, hakuna mwenye kuhuisha na hakuna mwenye kufisha isipokuwa Allaah. Utamwona anaabudu kaburi, analichinja, analiwekea nadhiri, analisujudia na kusema kuwa haliabudu na kwamba ye ye haamini kuwa linadhuru na kunufaisha kwa sababu Mwenye Kunufaisha na kudhuru ni Allaah. Mimi sisemi kuwa linaumba kwa sababu Mwenye Kuumba ni Allaah. Lakini hafahamu kuwa matendo yake haya ambayo anajikurubisha kwayo kwa maiti hawa na wengine ndio 'ibaadah yenye kupingana na *laa ilaaha illa Allaah*. Wamefahamu maana ya *laa ilaaha illa Allaah* kwa ufahamu mbaya kabisa na wa kimakosa ulio mbali kabisa na maana ya msingi wa *laa ilaaha illa Allaah* iliyokuja na Mitume wote. Wanachinja kwa ajili ya asiyekuwa Allaah, wanaweka nadhiri kwa ajili ya asiyekuwa Allaah na wanaomba uokozi kwa asiyekuwa Allaah. Wametumbukia katika kila aina ya shirki. Kwa nini? Kwa sababu ya ujinga wao kutojua maana ya *laa ilaaha illa Allaah*. Leo kulipokuja siasa na ikaongeza maana mpya juu ya tafsiri hizi za kimakosa ndio watu wakaangamia zaidi.

7. Matunda ya Da'wah ya Muhammad bin 'Abdil-Wahhaab

Ninaapa kwa Allaah lau ingelikuwa sio kwa ajili ya kubaki nguvu za Da'wah ya Imaam Muhammad bin 'Abdil-Wahhaab na mfumo wa Salaf katika mji huu, basi mngeliona watu wa mji huu wanásujudia makaburi. Hata hivyo haya ndio yamewalinda. Lakini hali hii itaendelea mpaka lini ikiwa mambo hayakuwekwa sawa. Mambo ni ya khatari. Masuala haya sio mepesi kiasi cha sisi kuyafumbia macho na kuwafumbia macho wenye kucheza na akili za vijana na kuwamiliki na kuwanyamazia. Sivyo tu bali tunawasapoti na kuwashaji'isha juu ya upindaji huu wa kisiasa ambao umeangamiza mji huu. Hii ni nchi ya Tawhiyd.

Muhammad bin 'Abdil-Wahhaab, ndugu zake, watoto wake na wenye kumnusuru walitumia juhud kubwa kusahihihsa maana ya *laa ilaaha illa Allaah*. Kunakuja siasa hizi za *Jaahiliyyah* na kuvunja juhud hizi kubwa na kuweka badala yake maana za kisiasa kutoka kwa watu ambao hawakujua Da'wah ya Mitume. Bali wanaipiga vita na wanaichukulia sahali na kuwakimbiza watu nayo. Kwa sababu wengi katika wanasiasa hawa ni makhurafi na waabudu makaburi. Wanasiasa ambao wameweka mambo haya wengi wao ni waabudu makaburi na makhurafi ambao ni maadui wa Tawhiyd na Da'wah ya Imaam Muhammad bin 'Abdil-Wahhaab. Kwa ajili hii wameweka mitego ya khatari ili kutokomeza Da'wah hii. Wamewalenga kweli kweli watoto wa mji huu na wakatumia juhud na vitimbi ambavyo hawajafanya duniani kote. Utaona vijana wengi wa mji huu wanaeneza Da'wah hizi zilizopinda ulimwenguni na kuzitolea pesa ambazo lau zingetolewa katika njia ya Allaah basi hali za makhurafi wengi zingelibadilika.

8. Uingereza ndio adui mkubwa wa Da'wah ya Tawhiyd

Lau ingelikuwa sio kwa ajili ya vita vyta njama hizi basi ungeliona ulimwengu wa Kiislamu unaishi katika hali nyingine isiyokuwa hali hii ya udhalilifu na unyonge wanayoishi hii leo. Kwa sababu watu wameanza kujua Da'wah ya Muhammad bin 'Abdil-Wahhaab.

Suufiyyah, Raafidhwah na wapotevu wote kukiwemo nchi za magharibi na mashariki wamemfanyia njama Muhammad bin 'Abdil-Wahhaab. Watu hawa wameifanyia njama Da'wah ya Muhammad bin 'Abdil-Wahhaab. Kuna uwezekano mkubwa watu hawa ambao wanapiga vita nchi hii huenda wana mikataba ya kupiga vita nchi hii. Mikataba ya kisiasa.

Uingereza ndio adui mkubwa wa Da'wah ya Tawhiyd. Wameipiga vita India na Pakistan zaidi ya miaka mia. Wanaipiga vita vibaya sana. Hakuna Da'wah yoyote wanayoipiga vita sana kama Da'wah hii. Kwa ajili hii ndio maana utaona viongozi wa Da'wah za siasa makazi yao makubwa ni Wingereza. Wanaitumikia ili kupiga vita mji huu wa Tawhiyd. Uingereza inawalinda kwa malengo haya ya kisiasa na huku wanawacheka watoto wetu. Badala yake wanaeneza Da'wah hizi zilizopinda ambazo zinapiga vita Da'wah ya Tawhiyd na ambazo zimeweka mitego na vitimbi ili kuivunja Da'wah ya Tawhiyd.

Mimi nilitembelea Yemen miaka kumi na tatu au kumi na nne ya nyuma na nikasimuliwa kuhusu mmoja katika wapiganaji vita hawa anavyojigamba jinsi wamevyoivunja Da'wah ya Salafiyyah ndani ya mji wao. Namna hii ndivyo wamekuja kuivunja Da'wah ya Salafiyyah ndani ya mji wake na wao wanaona kuwa wamefanikiwa malengo yao.

9. Vijana makhurafi wasikudanganyeni

Enyi watoto wa Tawhiyd! Wasikuchezee ni makhurafi hawa waabudu makaburi. Lau wangeliamini Tawhiyd, wakaamini Da'wah ya Mitume na wakaijua itakikanavyo basi wangelianza nayo na kuanza kuwanyoosha wananchi. Wananchi wamezama katika mambo ya shirki na Bid'ah na wao huku wanachangia katika kuyapa nguvu na kuimarisha mambo haya ya ukhurafi.

Nenda Misri ambapo ndiko kumeasisiwa Da'wah ya al-Ikhwaan al-Muslimuun. Nenda wakati wa mnasaba wa sherehe ya al-Badawiy uone jinsi viongozi wa al-Ikhwaan wanavyoshiriki katika sherehe hizi za kishirki ambazo hata mayahudi wanazionea aibu.

Nenda Pakistan ambako ndio chimbuko la Da'wah ya al-Mawduudiy uone majanga na shirki kwa sampuli zake zote. Utaona waabudu masanamu, makhurafi wenye kuabudu makaburi na wengineo. Hutoona Da'wah ya al-Mawduudiy ikitikisika hata kidogo dhidi ya kufuru na shirki hizi. Da'wah yake imewashughulisha watu na siasa. Isitoshe siasa hii inawafanya wanakuwa bega kwa bega na wakomunisti, kujenga udugu na Raafidhwah na kujenga udugu na aina mbali mbali za watu wa shirki ili kufikia malengo yao ya siasa. Sisi hatukukubaliana na hili. Tumepigiza kelele, myito na uzinduzi. Lakini hata hivyo wengi wetu hayakutuzidishia chochote isipokuwa kiburi na jeuri. Tumeridhika na ukhurafi na batili zilizoko kwa watu hawa.

Soma tafsiri za watu hawa za *laa ilaaha illa Allaah*. Utaona wanaifasiri kuwa maana yake ni hakuna muumbaji, hakuna mwenye kuruzuku, hakuna aliyepo, hakuna mwneye kuyaendesha mambo isipokuwa Allaah. Ukiungezea juu ya hilo na hakuna mwenye kuhukumu isipokuwa Allaah. Kwa tafsiri hizi wakazidi kuwaweka watu mbali na kumpwekesha Allaah na Da'wah ya Mitume ('alayhimus-Swalaatu was-Salaam). Kwa ajili hii ndio maana wanapuuzia Tawhiyd na utaona kwao wanafanya nusu saa na dakika kumi kwa ajili ya Tawhiyd zinatosha. Yote haya ni kwa ajili ya kuwakimbiza watu na Tawhiyd na

kuonesha kuwa si lolote wala si chochote. Huu ni mchezo sampuli gani? Sivyo tu bali mlinganizi mkubwa wa upotevu huu, upotoshaji wa kisiasa wa Da'wah ya Mitume wao wanamchukulia kuwa ni mtakatifu. Upande mwingine wanaolingania katika Tawhiyd wanawaita kuwa ni vibaraka na majasusi. Utakasifu ni Wako Allaah. Wanaolingania katika Tawhiyd wamekuwa ni vibaraka na majasusi!

10. Saudi Arabia inahukumu kwa Qur-aan na Sunnah

Tuhuma za kikomunisti na za kisekula ambazo zilipatikana katika mji wetu na miji mingine katika kipindi cha ukoloni wa kingereza ndizo wamezisomba na kuzileta katika mji wa Tawhiyd na wanachuoni wa Tawhiyd. Wanachuoni wa Tawhiyd wamekuwa wanaitwa kuwa ni majasusi na vibaraka wa nchi ya kikafiri. Nchi ya Kiislamu inayotendea kazi Qur-aan na Sunnah wameikufurisha na kuipiga vita kutoka kila pande. Kila adui anayekuja wa nchi hii wanasimama upande wake. Kwa nini? Ni kwa sababu hawaijui Tawhiyd masikini na hawakujua umuhimu wa Tawhiyd.

Ee ndugu! Tawhiyd inapatikana katika masomo yako kuanzia shule ya msingi, sekondari mpaka chuo kikuu. Hii ni neema kubwa. Haya leo hayapatikani duniani kote. Wanachuoni wa Tawhiyd wanaheshimiwa. Lipi jengine unalotaka? Ni kweli kuna mapungufu. Lakini hata hivyo yarekebishe kwa upole. Ama kuwakufurisha, kuwapiga vita na wale wenye kuwanasihi unawaita kuwa ni vibaraka na majasusi! Ninaapa kwa Allaah, Mola wa mbingu ya kwamba haya ni maangamivu. Hizi ni njama za maadui. Wameewachukua watoto masikini kutoka kwenye mikono ya mama zao na kuwabandika fikira hizi chafu ambazo zinaichafua Tawhiyd na watu wake.

11. Propaganda za maadui wa Tawhiyd dhidi ya Saudi Arabia na wanachuoni wake

Sisi tunajua fika kuwa hawa ni watu wa vita. Mtu anakuja kutoka Urusi na kitu cha kwanza wanachomfunza ni kuwatukana wanachuoni, kuwakufurisha viongozi wa nchi hii. Mtu anakuja na hajui Tawhiyd, Uislamu, misingi wala matawi na kitu cha kwanza wanachomfunza ni kuichukia 'Aqiydah hii na watu wake. Ni njama zimezopangwa. Ni nani mwenye kufanya maneno haya. Kuna watu ambao hawaelewi maneno haya [unayowaambia]. Badala yake durusini na mzingatie Da'wah ya Mitume na Qur-aan.

12. Allaah ametolea dalili kustahiki kuabudiwa Kwake kwa utendaji kazi Wake

Mimi ninakomeka hapa katika kuzungumzia Tawhiyd-ul-'Ibaadah. Ninachotaka kwenu ni nyinyi kusoma Qur-aan. Ndani ya Qur-aan kumejaa kuadhimishwa kwa Allaah (Jalla Jallaaluh). Uadhimisho wote huu unakupelekea katika kutomuabudu mwingine asiyekuwa Allaah. Vilevile inakupelekea katika kuweza kujua maana ya *laa ilaaha illa Allaah* ipasavyo na kuiheshimu.

Aayah hizi anazozitaja Allaah pindi Anapobainisha Utukufu Wake, Ukubwa Wake na alama Zake katika ulimwengu, yote hayo Anachotaka kutoka kwako ni wewe kumuabudu kwa kumpwekeshea 'ibaadah. Dalili zote hizi ni kwa ajili ya kumkinaisha yule mwenye kufanya upinzani na Tawhiyd-ul-'Ibaadah. Kwa dalili na hoja hizi lengo ni kubainisha kuwa Tawhiyd-ul-'Ibaadah ni jambo la lazima. Soma Kauli Yake (Ta'ala):

يَا أَيُّهَا النَّاسُ اعْبُدُوا رَبِّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ

"Enyi watu! Mwabuduni Mola wenu Ambae Amekuumbeni na wale wa kabla yenu mpate kuwa na taqwa." (02:21)

Baada ya hapo Akataja dalili kubainisha kuwa Allaah ndiye mwabudiwa wa haki peke yake na ni wajibu kumuabudu Pekee. Vilevile Akataja dalili na kubainisha neema ambazo amemneemesha kwazo mwanaadamu:

اعْبُدُوا رَبِّكُمُ الَّذِي خَلَقَكُمْ

"Mwabuduni Mola wenu Ambae Amekuumbeni."

Yeye ndiye ambaye Amekuumba kutoka kwenye mbegu kisha kipande cha nyama. Baada ya hapo Akakupa usikizi, uoni na akili:

الَّذِي جَعَلَ لَكُمُ الْأَرْضَ فِرَاشًا وَالسَّمَاءَ بَنَاءً وَأَنْزَلَ مِنَ السَّمَاءِ مَاءً فَأَخْرَجَ بِهِ مِنَ الشَّمَرَاتِ رِزْقًا لَكُمْ ﴿٢١﴾ فَلَا يَجْعَلُوا لِلَّهِ أَنَّدَادًا

وَأَنْتُمْ تَعْلَمُونَ

"Ambaye Amewafanyieni ardhi kuwa ni tandiko na mbingu kuwa ni paa na Akateremsha kutoka mbinguni maji, Akawatolea kwayo matunda kuwa ni riziki zenu. Basi msimuwekee Allaah waliolingana naye [washirika] na hali ya kuwa nyinyi mnajua [kuwa hakuna kinacholingana Naye]." (02:22)

Washirikina pamoja na kufuru yao walikuwa wakisema kuwa Allaah ndiye Muumba na Mwenye kuruzuku na maneno yote haya wanayajua. Pamoja na hivyo wengi wao walifanya ukaidi na wakakataa kushikamana na Tawhiyd-ul-'Ibaadah ambayo Allaah aliwatumwa kwayo Mitume wote:

وَأَنْزَلَ مِنَ السَّمَاءِ مَاءً فَأَخْرَجَ بِهِ مِنَ الشَّمَاءِ رِزْقًا لَكُمْ

"... na Akateremsha kutoka mbinguni maji, Akawatolea kwayo matunda kuwa ni riziki zenu."

Ni neema ngapi zinapatikana kwa kunyesha mvua? Mbegu, matunda na unaishi ndani yake na kuburudika. Kisha baada ya neema zote hizi unaenda kumuabudu mwingine?

13. Abu Lahab na Abu Jahl hakuwa na I'tiqaad hii iliyolekwa na zanaadiqah

Leo Muislamu anaishi katika neema hizi kisha anaenda na kumnyenyeka al-Badawiy, ar-Rifaa'iy, 'Abdul-Qadir na fulani na kumfanya ni mshirika wa Allaah. Anaongeza shirki katika 'ibaadah na uola. Wanaamini kuwa mawalii wanajua mambo yeye kujificha na kwamba wanaendesha ulimwengu. Abu Lahab na Abu Jahl hawakuwa na 'Aqiydah hii. Waislamu waliipata vipi? Zanaadiqah ndio waliwaingizia nayo. Kwa sababu hakuna dini iliyowafedhehesha mayahudi, manaswara, waabudu moto na waabudu masanamu kama dini aliyokuja nayo Muhammad (Swalla Allaahu 'alayhi wa sallam). Hakuna dini waliyoichukia kama walivyouchukia Uislamu. Waabudu moto, mayahudi, zanaadiqah katika mayahudi, zanaadiqah katika manaswara na wengine wanaufanyia Uislamu mipango na hivyo wakawaleta waislamu 'Aqiydah za kuabudu masanamu - tunaomba kinga kwa Allaah - kuna uwezekano hata wamewazidi waabudu masanamu. Wanaamini kuwa mawalii wanajua mambo yeye kufichikana n wanaendesha ulimwengu. Ukisoma wasifu wa 'Abdul-Qadir kwa mujibu wao utaona kuwa ni mkubwa zaidi kuliko Allaah ('Azza wa Jall). Ukisoma wasifu wa al-Badawiy na ar-Rifaa'iy kwa mujibu wao utaona kuwa ni wakubwa zaidi kuliko Allaah ('Azza wa Jall). Haya yametoka wapi? Yameleta zanaadiqah miongoni mwa mayahudi na manaswara. Kwa ajili ya wanafalsafa kuwabadilishia waislamu maana ya *laa ilaah illa Allaah* na maana ya Tawhiyd ndio ngano hizi zikawa zinazunguka. Ngano hizi pengine hata mayahudi na manaswara wakaziogopa. Ngano hizi ni zenye kuzunguka kati ya makhurafi. Amesema (Ta'ala):

إِنَّ فِي خَلْقِ السَّمَاوَاتِ وَالْأَرْضِ وَاحْتِلَافِ اللَّيْلِ وَالنَّهَارِ لَآيَاتٍ لَّا يُؤْلِي الْأَلْبَابِ

"Hakika katika kuumbwa mbingu na ardhi na mabadiliko [ya mfuatano] ya usiku na mchana; bila shaka ni alama kwa wenye

akili." (03:190)

إِنَّ فِي خُلُقِ السَّمَاوَاتِ وَالْأَرْضِ وَاحْتِلَافٌ الَّذِي لَأَيَّاتٍ لِأُولَئِكَ الْأَلْبَابِ الَّذِينَ يَذْكُرُونَ اللَّهَ قِيَامًا وَقُعُودًا وَعَلَى جُنُوبِهِمْ
وَيَتَعَكَّرُونَ فِي خُلُقِ السَّمَاوَاتِ وَالْأَرْضِ رَبَّنَا مَا خَلَقْتَ هَذَا بِاطِّلا سُبْحَانَكَ فَقِنَا عَذَابَ النَّارِ

"Hakika katika kuumbwa mbingu na ardhi, na mabadiliko [ya mfuatano] ya usiku na mchana; bila shaka ni alama kwa wenye akili. Ambao wanamdhukuru Allaah kwa kusimama, na kwa kukaa na kwa kulala ubavuni mwao na wanatafakari katika kuumbwa mbingu na ardhi [wakisema]: "Mola wetu, Hukuumba haya bure. Utakasifu ni Wako! Tukinge na adhabu ya Moto." (03:190-191)

Kuna Aayah nyingi zenyе kuonesha Ukubwa wa Allaah na kwamba Yeye Pekee ndiye Mwenye kustahiki 'ibaadah. Kwa sababu kila unachokiona juu yako, chini yako, kuliani mwako, kushotoni mwako, milima, mbingu, mito, nyota na kadhalika vyote hivyo ni viumbe vya Allaah na vinaendeshwa na Yeye. Amekuwekea vitu vyote hivi ili vikutumikie uweze kutekeleza 'ibaadah hii ambayo Amekuumba kwa ajili yake. Zote hizi ni neema:

وَإِنْ تَعْدُوا نِعْمَتَ اللَّهِ لَا تُخْصُوهَا ﴿١٩﴾ إِنَّ الْإِنْسَانَ لَظَلُومٌ كَفَّارٌ

"Na mkihesabu neema za Allaah hamtoweza kuzidhibiti. Hakika mwanaadamu ni dhalimu mkubwa mwenye kuzikufuru neema." (14:34)

Allaah (Ta'ala) anakutajia Aayah hizi, dalili hizi na hoja hizi kisha unaendelea kubaki hali ya kuwa umejizuka katika giza la ujinga. Anakuja mkanaMungu, zindiyq au mwanasiasia mwenye njama anakutoa katika Da'wah ya Tawhiyd na wewe unamfuata nyuma yake.

14. Kupenda na kuchukia inatakiwa iwe kwa ajili ya Allaah

Ndugu! Isomeni Qur-aan na muizingatie. Qur-aan inakuza imani. Qur-aan inakuza Tawhiyd. Ukiifahamu Qur-aan unakuwa ni katika wafuasi wa Mitume katika dini yao, 'Aqiydah yao na mfumo wao. Amesema (Ta'ala):

شَرَعْ لَكُمْ مِّنَ الدِّينِ مَا وَصَّى بِهِ نُوحًا وَالَّذِي أَوْحَيْنَا إِلَيْكَ وَمَا وَصَّيْنَا بِهِ إِبْرَاهِيمَ وَمُوسَى وَعِيسَى ۝ أَنْ أَقِيمُوا الدِّينَ وَلَا
تَنَزَّلُوا فِيهِ

"Amekuamuruni katika dini yale Aliyomuusia kwayo Nuwh, na ambayo Tumekuletea Wahy na Tuliyomuusia kwayo Ibraahiyim, na Muwsaa na 'Iysaa kwamba: "Simamisheni dini na wala msifarikiane ndani yake." (42:13)

Makusudio ya dini ni Tawhiyd. Simamisha Tawhiyd hii. Ukiisimamisha Tawhiyd basi utanyookewa na kila kitu. Ukiiheshimu Tawhiyd, ukapenda kwa ajili ya Tawhiyd na kuchukia kwa ajili ya Tawhiyd utanyookewa na kila kitu. Usiiveke kando na ukapenda na kuchukia kwa ajili ya kitu kingine.

Mimi najua kuwa watu wengi wameijua Tawhiyd. Lakini hata hivyo ni ujuzi wa kubabaisha. Utawaona wanaiweka kando na kwenda huku wanapenda na kuchukia kwa ajili ya kitu kingine. Sivyo. Kupenda na kuchukia kunatakiwa kuwe kwa ajili ya Tawhiyd:

فَدْ كَانَتْ لَكُمْ أُسْوَةٌ حَسَنَةٌ فِي إِبْرَاهِيمَ وَالَّذِينَ مَعَهُ إِذْ قَالُوا لِقَوْمِهِمْ إِنَّا بُرَآءُ مِنْكُمْ وَمَمَّا شَبَّدُونَ مِنْ ذُنُونِ اللَّهِ كَفَرْنَا بِكُمْ وَبَدَا
بَيْنَنَا وَبَيْنَكُمُ الْعَدَاوَةُ وَالْبُعْضَاءُ أَبْدًا حَتَّىٰ تُؤْمِنُوا بِاللَّهِ وَحْدَهُ

"Kwa yakini mna kigezo kizuri kwa Ibraahiyim na wale walio pamoja naye, walipowaambia watu wao: "Hakika sisi tumejitenga nanyi na yale yote mnayoyaabudu badala ya Allaah, tunakukanusheni, na umedhihirika baina yetu na baina yenu uadui

na bughudha abadi mpaka mumuamini Allaah Pekee." (60:04)

لَا يَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُونَ مَنْ حَادَ اللَّهَ وَرَسُولُهُ وَلَوْ كَانُوا آبَاءُهُمْ أَوْ أَنْبَاءُهُمْ أَوْ إِخْوَانَهُمْ أَوْ عَشِيرَاتِهِمْ ۝ أُولَئِكَ كَتَبَ فِي قُلُوبِهِمُ الْإِيمَانَ وَأَيَّدَهُمْ بِرُوحٍ مِّنْنَا ۝ وَيَدِنَ حَلْفُهُمْ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا ۝ رَضِيَ اللَّهُ عَنْهُمْ وَرَضُوا عَنْهُ ۝ أُولَئِكَ حِزْبُ اللَّهِ ۝ أَلَا إِنَّ حِزْبَ اللَّهِ هُمُ الْمُفْلِحُونَ

"Hutokuta watu wanaomuamini Allaah na Siku ya Mwisho [kuwa] wanawapenda wale wanaopinzana na Allaah na Mtume Wake, japo wakiwa ni baba zao, au watoto wao, au ndugu zao, au jamaa zao. Hao [Allaah] Amewaandikia katika nyoyo zao iymaan na Akawatia nguvu kwa Roho kutoka Kwake na Atawaingiza kwenye mabustani yapitayo chini yake mito - ni wenye kudumu humo. Allaah Ameridhika nao, nao wameridhika Naye - hao ndio kundi la Allaah. Tanabahi! Hakika kundi la Allaah ndio lenye kufaulu." (48:22)

Mambo haya hayapatikani kwa mtu anayeichukulia usahali Tawhiyd na kuidharau na anapenda na kuchukia kwa fikira za siasa zilizopinda. Watu hawa hawana sifa hizi. Mwenye kuiamini Tawhiyd imani ya kikweli na kuiheshimu hupenda na kuchukia kwa ajili ya Tawhiyd hiyo.

Leo watu wengi kupenda na kuchukia kwao hakukujengwa juu ya Tawhiyd. Kupenda na kuchukia hawakufanyi kwa ajili ya 'Aqiydah. Kupenda na kuchukia kwao ni kwa ajili ya fulani na fulani. Isitoshe wakuta mtu huyo ni mpotevu kabisa katika dini ya Allaah na katika maana ya *laa ilaaha illa Allaah*. Pamoja na hivyo wanapenda kwa ajili yake na sio kwa ajili ya Allaah, Tawhiyd ya Allaah, mfumo wa Mitume na kwa ajili ya Qur-aan. Wanapenda kwa ajili ya fulani na fulani. Hili ni janga lililoufika Ummah.

15. Mtume hakupakana mafuta na washirikina kwa ajili ya Tawhiyd

Enyi vijana wa mji huu na kila mahali! Jifunzeni Da'wah ya Mitume na mfumo wa Mitume. Tambueni kuwa masuala haya sio ya khiyari. Ni wajibu kwa kila anayelingania katika dini ya Allaah kikweli basi aanze kwa kulingania katika Tawhiyd. Dalili ni kuwa Allaah aliwawekea mfumo huu Mitume wote na ukafuatwa na Mitume kuanzia wa mwanzo wao mpaka wa mwisho wao. Muhammad (Swalla Allaahu 'alayhi wa sallam) alianza kulingania katika Tawhiyd miaka kumi na tatu kabla ya kulingania katika mambo ya Shari'ah mengine. Swalah ambayo ni nguzo muhimu ya Uislamu iliwekwa baada ya Mtume kuhama. Zakaah pia iliwekwa katika kipindi Mtume alipokuwa al-Madiynah. Hili ni kutokana na umuhimu wa Tawhiyd na kwa sababu Tawhiyd ndio msingi. Mtume (Swalla Allaahu 'alayhi wa sallam) hakuifanya usahali hata kidogo. Washirikina walikuwa tayari kumpa atakacho; ufalme, mwanamke mrembo wa ki-Quraysh wa muozeshe na mali lakini hata hivyo akawakatalia. Anawapa *bay'ah* na kupigana Jihaad na watu juu ya Tawhiyd. Mtume wa Allaah (Swalla Allaahu 'alayhi wa sallam) amesema:

"Nimeamrishwa kuwapiga watu vita mpaka washuhudie ya kwamba hapana mungu wa haki isipokuwa Allaah na kwamba Muhammad ni Mtume wa Allaah, wasimamishe swalah na watoe zakaah. Wakifanya hayo basi imesalimika kwangu damu na mali yao."

Maana ya *laa ilaaha illa Allaah* sio hakuna mwenye kuhukumu isipokuwa Allaah. Maana yake ni hakuna muabudiwa wa haki isipokuwa Allaah. Mtume (Swalla Allaahu 'alayhi wa sallam) alikuwa akitilia mkazo juu kushuhudia ya kwamba hapana mola mwenye haki ya kuabudiwa isipokuwa Allaah. Mpaka ilipokuja fitina ya kuritadi 'Umar alitumia hoja kwa Abu Bakr kuwapiga vita kwa kumwambia: "Vipi tutawapiga vita watu wenyewe kusema *laa ilaaha illa Allaah* ilihali nimemsikia Mtume wa Allaah (Swalla Allaahu 'alayhi wa sallam) akisema:

"Nimeamrishwa kuwapiga watu vita mpaka washuhudie ya kwamba hapana mungu wa haki isipokuwa Allaah na kwamba Muhammad ni Mtume wa Allaah."

Abu Bakr alikuwa hakuhifadhi jengine zaidi ya kipande hichi kutokana na mafungamano yake na Mtume (Swalla Allaahu 'alayhi wa sallam) na kutilia kwake mkazo juu ya Da'wah ya Tawhiyd. Baada ya hapo ndio akasikia utimilifu wa Hadiyth wa swalah, zakaah na mambo mengine kutoka kwa 'Umar, Abu Hurayrah na Jaabir (Radhiya Allaahu 'anhum). Abu Bakr na 'Umar walikuwa hawakukisikia. 'Umar angelikuwa amesikia asingelipingana na Abu Bakr. Abu Bakr (Radhiya Allaahu 'anh) hakufikiwa na kipande kingine cha Hadiyth. Hii ni dalili kuonesha kuwa mtu bora na mwanachuoni mkubwa anaweza kupitwa katika yale anayoyajua na mtu aliye chini yake. Hili ni jambo lipo.

16. Kila kiumbe kinamuadhimisha Allaah (Tabaarak wa Ta'ala)

Miongoni mwa Aayah zenyen kutolea dalili juu ya Ukubwa wa Allaah (Tabaarak wa Ta'ala) ni kwamba kila kitu kinamuadhimisha Allaah. Amesema (Ta'ala):

وَإِنْ مَنْ شَاءَ إِلَّا يُسَبِّحُ بِحَمْدِهِ

"Na hakuna kitu chochote isipokuwa kinamtakasa kwa Sifa Zake njema." (17:44)

أَلَمْ تَرَ أَنَّ اللَّهَ يَسْجُدُ لَهُ مَنْ فِي السَّمَاوَاتِ وَمَنْ فِي الْأَرْضِ وَالشَّمْسُ وَالْقَمَرُ وَالنَّجْوُومُ وَالجِبَالُ وَالشَّجَرُ وَالدَّوَابُ وَكَثِيرٌ مِّنَ النَّاسِ ۝ وَكَثِيرٌ حَقًّا عَلَيْهِ الْعَذَابُ ۝ وَمَنْ يُهِنَ اللَّهُ فَمَا لَهُ مِنْ مُكْرِمٍ ۝ إِنَّ اللَّهَ يَفْعُلُ مَا يَشَاءُ

"Je, huoni kwamba Allaah wanamsujudia walioko mbinguni na ardhini, na jua, na mwezi, na nyota, na majabali, na miti, na viumbe vinavyotembea na wengi mionganoni mwa watu? Na wengi [mionganoni mwa watu pia] imewathibitikia adhabu. Na ambaye Allaah Amemdhhalilisha, basi hatopata wa kumkirimu. Hakika Allaah Anafanya Atakavyo." (22:18)

Kila kitu kinamnyenyekea Allaah. Kila kitu kinamsabihi Allaah sawa ikiwa kitafanya hivo kwa kuridhia au pasina kuridhia. Kafiri afe kwa chuki zake na yeze anamnyenyekea Allaah (Tabaarak wa Ta'ala). Allaah anamuumba vile anavotaka, anamfanya kuwa fakiri au tajiri, anamgonjwesha, anamponya, anamwangamiza na anamfanya vile Anavotaka. Kwa njia hii anamnyenyekea Allaah ('Azza wa Jall) kwa kupenda na kwa kutokupenda. Vitu visivyokuwa na uhai wa dhahiri, miti, wanyama na vitu vingine vyote vinamuadhimisha Allaah (Tabaarak wa Ta'ala).

Ndugu! Muadhimishe Allaah kwa kumpwekesha na kumtakasia Yeye dini ambayo amewatuma kwayo Mitume wote (Swalla Allaahu 'alayhim wa sallam).

17. Kupinga ujuu wa Allaah kunapelekea katika Huluul na Wahdat-ul-Wujuud

Miongoni mwa vitu vinavyoikomaza 'Aqiydah ya Tawhiyd ni kujua Majina na Sifa za Allaah. Amesema (Ta'ala):

وَلِلَّهِ الْأَكْمَانُ الْحَسَنَىٰ فَادْعُوهُ إِلَيْهَا

"Na Allaah Ana Majina Mazuri kabisa, basi muombeni kwayo." (07:18)

هُوَ اللَّهُ الَّذِي لَا إِلَهَ إِلَّا هُوَ الْمُلِكُ الْقَدُوسُ السَّلَامُ الْمُؤْمِنُ الْمُهَيْمِنُ الْعَزِيزُ الْجَبَّارُ الْمُتَكَبِّرُ ۚ سُبْحَانَ اللَّهِ عَمَّا يُشْرِكُونَ هُوَ اللَّهُ الْخَالِقُ الْبَارِئُ الْمُصَوِّرُ ۚ لَهُ الْأَكْمَانُ الْحَسَنَىٰ ۚ يُسَبِّحُ لَهُ مَا فِي السَّمَاوَاتِ وَالْأَرْضِ ۚ وَهُوَ الْعَزِيزُ الْحَكِيمُ

"Yeye ndiye Allaah, ambaye hakuna mungu wa haki isipokuwa Yeye. Mfalme, Mtakatifu, Mwenye amani, Mwenye kusadikisha, Mwenye kuyaendesha Mwenyewe mambo Yake, Mwenye nguvu, Anayefanya analolitaka, Mwenye kustahiki kiburi - Ametakasika Allaah na hayo wanayomshirikisha nayo. Yeye ndiye Allaah, Muumbaji, Mtengenezaji, Mwenye kutia sura, Ana Majina mazuri kabisa. Kila kilioko katika mbingu na ardhi kinamtakasa, Naye ni Mwenye kushinda, Mwenye hikmah." (59: 23-24)

Mlango huu wa Majina na Sifa za Allaah ni miongoni mwa mambo ambayo waislamu wengi wamepotea kwayo. Hili ni kutokana na njama za wanafalsafa na njama za Jahmiyyah, Mu'tazilah na wengine walioathirika nao. Wamepotea katika mlango huu. Wamepinga ya kuwa Allaah amelingana juu ya 'Arshi. Jahmiyyah wamepinga Allaah kuwa na Majina. Mu'tazilah wakapinga Allaah kuwa na Sifa. Kupinga kwao ujuu wa Allaah na kwamba Allaah amelingana juu ya 'Arshi Yake imewapelekea katika 'Aqiydah ya kuamini kuwa Allaah yumo katika kila kitu [Huluul] na kwamba Allaah yuko kila mahali [Wahdat-ul-Wujuud]. Kwa sababu wao wanapinga Allaah kuwepo juu ya viumbe vyote na

badala yake wanasema kuwa yuko kila mahali. Vilevile wanasema kuwa hayuko juu, hayuko chini, hayuko kuliani, hayuko kushotoni, hayuko ndani ya ulimwengu, hayuko nje ya ulimwengu na kadhalika.

Kwa makanusho haya kunapatikana mambo mawili, ima wamfanye kuwa Hayupo au wamfanye kuwa Amekita katika kila kitu. Huku ni kumtukana Allaah, Mola wa walimwengu kubaya sana. Wanadai kwa kuwaambia watu na wafuasi wao wajinga ya kwamba wanamtakasa Allaah. Kwa nini? Kwa sababu kwa mujibu wao wanaonelea wakimthibitishia Allaah kuwa Yuko juu ya 'Arshi tutakuwa tumemfanya kuwa na kiwiliwili. Wanasema kuwa kulingana kunalazimisha Allaah kuwa na mwili na kunalazimisha vilevile ima Allaah (Ta'ala) ni Mkubwa zaidi ya 'Arshi, ni Mdogo kuliko 'Arshi na kadhalika. Haya ni maneno ya kipuuzi. Wametaka kukanusha Allaah kuwa na kiwiliwili jambo ambalo likawapelekea katika ukashaji.

18. Siri ya kupotea kwa Mushabbiyah na Mu'attwilah

Ahl-us-Sunnah wanasema kuwa Allaah amelingana kulingana kunakolingana na Utukufu Wake. Sio kama kulingana kwa viumbe. Allaah (Tabarak wa Ta'ala) amesema:

لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ

"Hakuna chochote kinachofanana Naye - Naye Ndiye Mwenye kusikia yote daima, Mwenye kuona yote daima." (42:11)

Ahl-us-Sunnah wal-Jamaa'ah wamechukua Aayah hii kwa yale ambayo wamekhitilafiana kwayo watu. Kutoka katika Aayah hii wamechukua kanuni juu ya Majina na Sifa na Matendo ya Allaah ('Azza wa Jall):

لَيْسَ كَمِثْلِهِ شَيْءٌ

"Hakuna chochote kinachofanana Naye."

Si katika Dhati Yake, Majina Yake wala Sifa Zake. Wamemtakasa na kufanana na viumbe na wakati huo huo wakamthibitishia Majina na Sifa na Matendo Aliyojithibitishia Mwenyewe (Jalla wa 'Alaa). Sambamba na hilo wanamtakasa Allaah na kushabihiana na viumbe. Aayah zinasema mthibitishie Allaah kuwa na Majina na Sifa. Moja katika Aayah hizo ni kama hii ifuatayo:

وَهُوَ السَّمِيعُ الْبَصِيرُ

"Naye Ndiye Mwenye kusikia yote daima, Mwenye kuona yote daima."

Wakati huo huo zinasema pia mkanushie Allaah kufanana [na viumbe Vyake vyote] kujengea juu ya Kauli Yake:

لَيْسَ كَمِثْلِهِ شَيْءٌ

"Hakuna chochote kinachofanana Naye."

Mushabbihah wakapotea pale waliposema kuwa Allaah Anasikia kama tunavyosikia, Anaona kama tunavyoona, amelingana kama tumevyolingana na kadhalika. Mu'attwilah na wao wakaja na kutaka kumtakasa Allaah (Tabarak wa Ta'ala) na kufanana na viumbe na wakapitiliza katika hilo mpaka likawapelekea kukanusha Majina na Sifa za Allaah. Baadhi yao wanakanusha Sifa na hawakanushi Majina, wengine wanathibitisha Majina na wanathibitisha baada ya Sifa zingine. Wamoja wao katika aina hii ya pili ni Ashaa'irah.

19. Hapa ndipo kulianza vita vyakifikra

Vita vyakifikra vilianza mapema kutoka kwa maadui wa Uislamu. Leo watu wanafikiri kuwa vita vyakifikra vimetujia katika wakati huu. Hili ni kwa sababu hawakukemea mambo ya ukhurafi, Bid'ah na kukanusha Sifa. Haya hawaonelei kuwa ni munkari kwa kuwa ndio 'Aqiydah yao. Masikini hawa wanafikiri kuwa vita vyakifikra vimeanza wakati huu. Hivyo wakaja kupiga vita mji wa Tawhiyd kwa ukhurafi na Bid'ah zao.

Vita vyakifikra vilianza tangu wakati al-Ma'muun na Jahm bin Swafwaan. Tangu wakati huo ndio kulianza propaganda dhidi ya Uislamu. Propaganda hizi zikaanza kukabiliana na misingi ya Uislamu kuanzia kukanusha Majina na Sifa za Allaah, kupinga baadhi ya mambo ya I'tiqaad na mengineyo. Hatimaye kuititia mikono ya Suufiyyah na wao wakaja kukabiliana na Tawhiyd-ul-'Ibaadah. Mambo haya yamepelekea kukanusha Majina na Sifa za Allaah na mambo mengi ya 'Aqiydah. Mwishoni ndio kukaja maneno ya wanafalsafa na kupotosha kwao *laa ilaaha illa Allaah* na Suufiyyah wakaathirika na hilo. Haya yamepelekea katika upotofu mkubwa ambao ni kutumbukia katika shirki.

20. Walinganizi wa siasa wamewashughulisha wananchi na Tawhiyd

Tukienda katika baadhi ya miji mtaona makaburi yanaabudiwa mambo ambayo washirikina walikuwa hawayajui. Vilevile utaona miti iliyotundikwa vitu na wanaitakidi kuwa ina baraka. Bali utaona makaburi ya mijibwa, punda na wanyama wengine yanayoabudiwa badala ya Allaah. Hili ni tendo la jinai kubwa.

Da'wah za wanasiasa zinaona mambo haya na kuzikubali. Wako mbali kabisa na Da'wah na mfumo wa Mitume na Da'wah ya Tawhiyd ambayo ndio mhimili wa nyujumbe zote. Wameenda mbali kabisa na badala yake wamejishughulisha na fujo za siasa za Kiislamu.

21. Sababu za waislamu kuwa wadhalilifu na unyonge

Sisi hatusemi haya kwa lengo la kuwatukana watu. Tunachotaka ni kuwaamsha waliodanganywa kwa nembo hizi zinazowaangamiza waislamu. Mambo haya hayatowanufaisha chochote. Desturi hizi haziwazidishii waislamu mbele ya Allaah isipokuwa majanga, udhalilifu na unyonge. Hali itaendelea hivi mpaka pale wataporudi katika mfumo wa Mitume na 'Aqiydah ya Tawhiyd. Wanatakiwa kuisahihisha 'Aqiydah ya Tawhiyd katika masomo yao, vyuo vikuu vyao, manyumbani mwao, kwenye akili zao na kwenye mioyo yao. 'Aqiydah hii wakiisahihisha na wakasahihisha matendo ambayo yamesimama juu ya 'Aqiydah hiyo, basi ninawabashiria nusura na furaha duniani na Aakhirah. Na kama hawatotaka jengine isipokuwa kuedelea kushikamana na desturi hizi mbovu, basi Ummah utazidi kuwa na udhalilifu na unyonge.

Tazamaneni mwenendo wa maadui wa Uislamu kwa waislamu. Utazameni msimamo wa waislamu. Waislamu wamekuwa hawana uwezo wala nguvu. Leo waislamu wanazidi zaidi ya bilioni lakini hata hivyo wamekuwa ni kama povu la takataka isipokuwa wachache katika wao. Kwa nini? Ni kwa sababu wameipuuza Tawhiyd. Kwa hivyo Allaah hajali mto watakaozama. Allaah amewatalishia juu yao viumbe madhalilifu kabisa ambao ni mayahudi, Hanaadik, manaswara na watu mfano wao. Mayahudi ni watu walipigwa unyonge na umasikini popote wanapopatikana. Leo wanakanyaaga kwa miguu yao juu ya vichwa vyta waislamu. Wahindu ni wapotevu zaidi kuliko wao. Pamoja na hivyo na wao wanawadhalilisha waislamu. Suluhu ni ipi? Kurejea katika Tawhiyd.

22. Mtume (‘alayhis-Salaam) hamiliki manufaa wala madhara

Vipi Allaah atakunusuruni ilihali nyinyi mna mizimu mingi [mnayoibudu] kuliko mizimu walionayo manaswara na mayahudi? Vipi Allaah atakunusuruni ilihali wengi wenu mnaamini kuwa mawalii wanajua mambo yenge kufichikana na wanaendesa ulimwengu? Ukiongezea juu ya hayo mnawanyenyeka madhaifu mafukara ambao hawamiliki juu ya nafsi zao manufaa wala madhara, mauti na uhai wala kufufuliwa. Ninaapa kwa Allaah ya kwamba mawalii hawa hawamiliki juu ya nafsi zao lolote. Allaah anamwambia Mtume wa Allaah (Swalla Allaahu ‘alayhi wa sallam):

فُلْ لَا أَمْلِكُ لِنَفْسِي نَفْعًا وَلَا ضَرًّا إِلَّا مَا شَاءَ اللَّهُ

"Sema: "Siimilikii nafsi yangu manufaa yoyote wala dhara yoyote isipokuwa Apendavyo Allaah." (07:188)

Nini unachotaka baada ya haya? Je, haya ni maneno ya haki au batili? Ulimi wa hali wa waabudu makaburi hawa wanasema kuwa sio maneno sahihi hata kama hawakadhibishi matamshi. Lakini hata hivyo uhakika wa hali yao hawakubali maneno haya. Wanasema kuwa mawalii wanadhuru na kunufaisha na Mtume anadhuru na kunufaisha. Ndugu! Utakuwa ni mwenye kufanya ukaidi Qur-aan ikiwa hii ndio ‘Aqiydah yako. Ikiwa unaamini haya hii ni kufuru. Amesema (Ta’ala):

فُلْ إِنِّي لَا أَمْلِكُ لِكُنْ ضَرًّا وَلَا رَشِداً

"Sema: "Hakika mimi sikumilikieni dhara na wala uongofu." (72:21)

Nini jengine unataka? Hamiliki juu ya nafsi yake, msichana wake wala mtu mwagine yoyote. Aliwaambia: "Sintokunufaisheni mbele ya Allaah na chochote." Aliwaambia:

"Ee wana wa 'Abdul-Manaaf! Ee ma-Quraysh! Ziuzeni nafsi zenu hakika mimi sintokunufaisheni mbele ya Allaah na chochote. Ee wana wa 'Abdul-Manaaf! Sintokunufaisheni mbele ya Allaah na chochote. Ee 'Abbaas bin 'Abdil-Muttwalib! Sintokunufaisha mbele ya Allaah na chochote. Ee Swafiyyah anti ya Mtume wa Allaah! Sintokunufaisha mbele ya Allaah na chochote. Ee Faatwimah bint Muhammad! Niombe unachotaka hakika sintokunufaisha mbele ya Allaah na chochote."²

Nini unachotaka baada ya haya? Allaah amemwamrisha Mtume Wake (Swalla Allaahu 'alayhi wa sallam) aseme:

إِنْ أَنَا إِلَّا نَذِيرٌ وَبَشِيرٌ لِّقَوْمٍ يُؤْمِنُونَ

"Mimi si chochote isipokuwa ni mwonyaji na mbashiriaji kwa watu wanaoamini." (07:188)

إِنْ أَنَا إِلَّا نَذِيرٌ مُّبِينٌ

"Mimi si yejote ila mwonyaji dhahiri." (26:115)

Hii ndio kazi yake. Allaah amemteremshia Qur-aan ili aweze kuifikisha kwa kuwabashiria waumini na Pepo na kuwaonya makafiri na Moto. Hili ndilo analomiliki na analoweza. Kuhusiana na kudhuru, kunufaisha, kumfanya mtu akawa na furaha, kutokuwa na furaha, kuongoza na kupoteza yote haya ni kwa Allaah, Mola wa walimwengu. Vilevile Mtume (Swalla Allaahu 'alayhi wa sallam) hajui ghaibu:

فُلْ لَا أَمْلِكُ لِنَفْسِي نَفْعًا وَلَا ضَرًّا إِلَّا مَا شَاءَ اللَّهُ ۖ وَلَوْ كُنْتُ أَعْلَمُ الْغَيْبِ لَا سُتُّكِنْتُ مِنَ الْخَيْرِ وَمَا مَسَّنِي السُّوءُ

"Sema: "Siimilikii nafsi yangu manufaa yoyote wala dhara yoyote

² al-Bukhaariy (4771) na Muslim (206).

**isipokuwa Apendavyo Allaah. Na lau ningekuwa najua ya ghayb,
bila shaka ningelijikithirishia ya kheri na wala lisingelinigusa ovu."**
(07:188)

وَلَا أَفُولُ لَكُمْ إِنِّي مَلَكٌ

"Na wala sikuambieni kuwa mimi ni Malaika." (06:50)

Nini unachotaka baada ya ubainifu huu? Iko wapi faida ya ubainifu huu kwa waislamu?

23. Walinganizi wa siasa nini watachofanya wakipata uongozi?

Leo kunakuja walinganizi waovu na walinganizi wa fitina na kupeana udhuru kwa Tawhiyd hii na dalili zake. Wanasema kuwa Tawhiyd inafarikanisha. Wanasema kwa ndimi za hali zao au maneno yao lau tutaita katika Tawhiyd ni nani atayekuja pamoja na sisi? Sisi lengo letu ni kufikia viti [vya uongozi] kwa haraka. Tuking'ang'ania Tawhiyd watu watatukimbia na hatutofika. Sisi tunachotaka ni kuwakusanya watu. Wanasema Raafidhwah, manaswara, makhurafi wenye kuabudu makaburi wote ni ndugu zao ili waweze kufikia malengo yao kwa haraka. Sasa mkifika kwa haraka nini mtachofanya? Mikutano ya kuleta umoja wa dini. Haya ndio yenyе kuwatoshaleza. Pindi kundi moja mionganoni mwa makundi haya lilipofika kwenye viti [vya uongozi] wakayapa mgongo yale waliyokuwa wakiwapa watu kwayo matumaini. Hakukuwa kutekeleza Shari'ah wala 'Aqiydah. Badala yake makanisa na makaburi yakapewa nguvu na kukafanywa mikutano juu ya umoja wa dini. Wanasiasa hawa wanakusanyika ulimwenguni mzima na kushiriki mikutano juu ya umoja wa dini. Hii ni dalili yenyе kuonesha kuwa Da'wah hizi ni zenye kupinda kuanzia kwenye msingi wake, makusudio yake na malengo yake yote ni mabaya. Wakifikia malengo yao huzipa mgongo desturi za Kiislamu ambazo wanazipigia makelele.

Hii ni mifano yenyе kushuhudiwa na kuhisiwa. Watoto wa Tawhiyd kwetu hawayapinga mambo haya. Kwa nini? Kwa kuwa wamezibadilisha akili zao. Mimi sijasikia hata neno moja likikemea mambo haya. Mambo kama haya yamezidi kuwa kwa wingi katika miji mingi na wala hutokisia ye yeyote kutoka kwa wanasiasa hawa mwenye kuyakemea. Wanasiasa hawa wamepewa mtihani katika dini yao kupitia Da'wah hizi za siasa. Hatimaye wakawa hawakemei chochote juu ya Da'wah hizi za siasa hata kama zitalingania katika umoja wa dini, kuzipa nguvu makanisa, makaburi na kadhalika. Haya ni mazingatio.

24. Da'wah za Hizbiyyuun haziwazidishii waislamu kitu zaidi ya maangamizo

Mtu ambaye ni mkweli na nia safi katika dini yake akidanganyika kisha ikambainikia kuwa yule mwenye kumwongoza anampeleka katika maangamivu, huzinduka na kurudi katika njia ya Uislamu. Ama kuendelea kumpigia makofi, kujificha kwake na kumtetea ni kosa.

Da'wah hizi sio Da'wah za Mitume. Da'wah ambazo hazisemi Tawhiyd ije mwanzo. Badala yake zinasema siasa ndio ije mwanzo, uchumi ndio uje mwanzo, Taswawwuf ndio uje mwanzo na ukhurafi ndio uje mwanzo. Da'wah hizi hazina maana yoyote na wala haziwasaidii waislamu lolote zaidi ya mauti na maangamizo na kupotea.

25. Maisha mazuri na yenye furaha yanapatikana kwa kuhakikisha Tawhiyd

Maisha mazuri na yenye furaha dunia na Aakhirah yamejengwa juu ya Tawhiyd na kuhakikisha maana maana ya hakuna mungu mwenye kuabudiwa kwa haki isipokuwa Allaah na kwamba Muhammad ni Mtume wa Allaah. Tukifanya haya basi Allaah atatunusuru, kututukuza na kutuheshimisha duniani na Aakhirah. Na tukikataa na hatutaki jengine isipokuwa kuendelea kufuata vichochoro vilivyotheke wapindaji waabudu makaburi na makhurafi, basi tusiongoje jengine kutoka kwa Allaah zaidi ya unyonge na udhalilifu:

وَمَنْ يُهِنِ اللَّهُ فَمَا لَهُ مِنْ مُكْرِهٖ إِنَّ اللَّهَ يَفْعَلُ مَا يَشَاءُ

"Na ambaye Allaah Amemdhalilisha, basi hatopata wa kumkirimu. Hakika Allaah Anafanya Atakavyo." (22:18)

Ninakomea hapa. Ninamuomba Allaah (Tabarak wa Ta'ala) awatunukie waislamu walinganizi wa kweli na wenye *Ikhlaas* wenye kuheshimu Da'wah ya Mitume na wanalingania kwayo. Walinganizi wenye kutumia nafsi na pumzi, kilicho ghali na nafuu katika kulinyanya neno *laa ilaaha illa Allaah* katika ngazi ya kupigana vita kwa ajili yake. Ninamuomba Allaah awatunukie waislamu walinganizi wenye kujua mfumo wa Mitume na wenye kujua maana ya *laa ilaaha illa Allaah* ili Allaah aweze kuwanufaisha na kulinyanya jambo la waislamu kupitia walinganizi hao. Ninamuomba Allaah awarudishe waislamu katika utukufu wao uliotangulia ambao Allaah amewatukuza, akawaheshimisha, akawanyanya, akawafanya kuwa ni viongozi wa dunia na viongozi wa nyumati kwa utukufu huo na Ummah bora uliotheuliwa katika watu. Hawakufikia yote isipokuwa ni kwa sababu ya kuhakikisha hapana mola mwenye haki ya kuabudiwa isipokuwa Allaah na kwamba Muhammad ni Mtume wa Allaah. Walinganizi ambao wataamrisha mema na kukataza maovu na kumwamini Allaah. Ninamuomba Allaah atujaalie sisi na nyinyi kuwa mionganini mwa walinganizi hao.

Swalah na salaam zimwendee Mtume wetu Muhammad, ahli zake na Maswahabah zake.